

## M536: Leipziger Predigten (Hs. A)

130va,5 -- .  
 130va,6 - - - - - .  
 130va,7 - . - . mîne vile lieben . sancte  
 130va,8 - der rettet uns unde sprichet . weset  
 130va,9 gedultic . unde vestenet iuwer herze . wande  
 130va,10 di zuokumft unsers hêrren die nâhet .  
 130va,11 die êrste zuokumft unsers hêrren ist  
 130va,12 ergangen . daz was dô . dô unser hêrre  
 130va,13 in dise werlt wolte kumen und geborene  
 130va,14 wolte werden . von der êwigen maget  
 130va,15 sancte - . dô der êrste mennische geviel .  
 130va,16 unde daz gebot unsers hêrren zuobrach  
 130va,17 unde daz obez az daz im verboten  
 130va,18 was . dô wart er verstôzen ûz dem  
 130va,19 paradîse in daz ellende . unde alle sîne  
 130va,20 nâchkomelinge muosten nâch ime zuo  
 130va,21 der helle varn swie guot unde swie heilic  
 130va,22 sô sie wârn vûnv hundert jâr . daz  
 130va,23 erbarmete unsern hêrren unde sante uns  
 130va,24 einen heilant sînen einboren sun unsern  
 130va,25 hêrren - - . der quam her in dise werlt  
 130va,26 unde wart geboren von unser vrouwen sancte  
 130va,27 - . die zuokumft begên wir  
 130va,28 nû . die hatten vore gekündigt die  
 130va,29 wîssagen . die heiligen prophêtn unsers hêrren .  
 130va,30 sie sagen wole daz der arme mennische  
 130va,31 niht mohte erlôst werden wære gotes  
 130va,32 sun in dise werlt niht kumen . die êrste  
 130va,33 zuokumft unsers hêrren ist ergangen als  
 130va,34 ich iuch habe gesaget . noch wirdet ein  
 130va,35 zuokumft unsers hêrren . die wirdet an deme  
 130va,36 jungesten tage . swenne er erschein  
 130va,37 in sîner mannes kraft . ûf sîneme gewaltigen  
 130va,38 stuole . unde die heiligen engele . unde  
 130va,39 al himelisch her mit ime . dâ wirdet er  
 130va,40 erteilen al menschlich künne einen iegelîchen  
 130va,41 al nâch sînen werken . dâ sulen wir

130va,42 in beschouwen in deme selben bilede .  
 130va,43 als er was dô er vore gerihte stuont  
 130va,44 vüre unser sünde . als dâ geschriben ist .  
  
 130vb,1 - - - - - . - - -  
 130vb,2 - . in sulen sehen eines iegelîches  
 130vb,3 mennischen ougen . unde die in dâ marterten .  
 130vb,4 - . dâ sol er sitzen zuo gerihte .  
 130vb,5 dâ wirdet er angestlich an zuo  
 130vb,6 sehene . joch sam den guoten . unde waz  
 130vb,7 sol danne der armen süntære geworden . sîne  
 130vb,8 vünv wunden wîset er danne .  
 130vb,9 die dürnînen krône . daz sper dâ mit  
 130vb,10 er durchstochen wart . unde daz vrône  
 130vb,11 kriuze dâr an er gehangen wart .  
 130vb,12 ô wê wie sælic der ist . der danne die  
 130vb,13 werc hât getân . dâr umbe er vernemen  
 130vb,14 sol die süeze stimme unsers hêrren  
 130vb,15 die er dâ sprechen wirdet zuo den sæligen .  
 130vb,16 “- - - . - . kumet her ir  
 130vb,17 gebenedîten mînes vateres . entvâhet  
 130vb,18 daz rîche daz iuch bereit ist von anegenge  
 130vb,19 der werlte .” dise andere zuokumft  
 130vb,20 unsers hêrren die wirdet harte angestlich  
 130vb,21 als ich iuch nû habe gesaget .  
 130vb,22 zuo der solte ir iuch bereiten mit den bezzisten  
 130vb,23 werken daz ir kunnet unde müget .  
 130vb,24 die wîle daz ir lebet . mit vastene .  
 130vb,25 mit wachene . mit kirchgange . mit  
 130vb,26 gebete . mit opfere . mit almuosene . und  
 130vb,27 mit allen den dingen die gote lieb  
 130vb,28 sîn . des zuokumft wir nû begên  
 130vb,29 unde der durch uns in dise werlt wolte  
 130vb,30 kumen . den bitet daz er iuch die genâde  
 130vb,31 verlihe . daz ir dise heilige  
 130vb,32 zuokumft alsô müezet begên . daz  
 130vb,33 ir nâch diseme lîbe besitzen müezent  
 130vb,34 daz êwige rîche daz er bereit  
 130vb,35 hât allen sînen holden . unser hêrre -  
 130vb,36 - . - - - - .  
 130vb,37 - - . - - . - - . - .  
 130vb,38 - - . - . - - . - - .  
 130vb,39 - . - . - . mîne vile lieben . ez was  
 130vb,40 vore unsers hêrren geburt ein wîssage  
 130vb,41 der hiez - . den hatte unser  
 130vb,42 hêrre bewîset in den heiligen geiste  
 130vb,43 die geburt unsers hêrren - - . die  
 130vb,44 wir hiute begên . unde sprach dise wort .

131ra,1 “uns ist geboren ein kleine kint . des  
131ra,2 name sol heizen ein wunderlich got .  
131ra,3 ein engel des grôzen râtes . oder  
131ra,4 ein râtman . unde ein starc got .  
131ra,5 ein vater der kûmftigen werlte . unde ein  
131ra,6 vürste des vrides .” – . als iuch dicke  
131ra,7 gesaget ist . wir ne mohten anders  
131ra,8 niht erlöst sîn worden von  
131ra,9 des tiuvels gewalt . iz ne wære daz  
131ra,10 gotes sun geboren wære . unde unser mennischheit an  
131ra,11 sich entvungen hette . ez was vore gotes  
131ra,12 geburt michel ungenâde in der  
131ra,13 werlte . biz an die zît daz er geboren  
131ra,14 wolte werden . dô was ein keiser zuo  
131ra,15 Rôme der hiez – bî des gezîten  
131ra,16 wurden die rîche unde die lant  
131ra,17 gesamenet enein zuo vride und  
131ra,18 zuo genâden . unde gâben zuo Rôme  
131ra,19 zins algemeine . dô gebôt der keiser .  
131ra,20 daz allermannegêlich swie er gesezzen  
131ra,21 wære . daz er kume zuo sîner houbetstat .  
131ra,22 unde dâ zins gebe . den  
131ra,23 zins sante allerêrste ein græve der  
131ra,24 hiez – . jensît meres in deme  
131ra,25 lande zuo Jerusalêm . dô huop sich her  
131ra,26 Josepch dem unser vrouwe sancte –  
131ra,27 gemâlet was . zuo ein stat die  
131ra,28 hiez Bêthlêhêm . dâ er zuo houbetete  
131ra,29 mit unser vrouwen . den worten  
131ra,30 daz er niht zins gebe den keiser  
131ra,31 als alle die tâten die in deme lande  
131ra,32 wâr . zuo deme mâle gienc  
131ra,33 unser vrouwe sancte – grôze  
131ra,34 mit irem lieben kinde deme heiligen  
131ra,35 Kriste . aldâ genas sie des  
131ra,36 seligen kindes . unde bewant  
131ra,37 iz mit snoeden tuochen unde legete  
131ra,38 iz in eine krippe . zuo der selben stunt  
131ra,39 erschein der heilige engele den  
131ra,40 hirten ûf dem velde die dâ wacheten  
131ra,41 über ire vihe nâch den lantsiten  
131ra,42 mit grôzeme liechte . unde sie  
131ra,43 hatten grôze vorhte . dô sprach  
131ra,44 der engel . “en vürhtet iuch niht .  
  
131rb,1 ich kündige iuch eine grôze vröuwede .

131rb,2 wande hiute ist geboren der heilant al der  
 131rb,3 werlte . daz ist der heilige Krist . ich gebe  
 131rb,4 iuch ein warzeichen . ir sulet vinden  
 131rb,5 ein niuwe geboren kint mit tuoche bewunden .  
 131rb,6 daz liget in einer krippen .” zehant  
 131rb,7 dô er diz hatte gesprochen . dô erschein  
 131rb,8 mit im eine grôze schar des  
 131rb,9 himelischen heres . unde lobeten den almehtigen  
 131rb,10 got unde sprâchen . “– – – .  
 131rb,11 – .” lop unde êre sî dem almehtigen  
 131rb,12 gote in dem hôhen himele . und in  
 131rb,13 ertrîche sî vride . unde genâde den  
 131rb,14 liuten die guotes willen sîn . dâr umbe .  
 131rb,15 sint dem mâle daz er durch unsern  
 131rb,16 willen wolte geboren werden . ûf daz  
 131rb,17 er uns erlôste von des tiuvels  
 131rb,18 gewalt . sô sulen wir in hiute loben  
 131rb,19 inniclichen aller sîner genâden . unde  
 131rb,20 sulen guoten willen haben . sô wirdet  
 131rb,21 uns der vride der êwigen genâden .  
 131rb,22 in dirre werlte mac der vride niemer  
 131rb,23 werden stæte . wâr umbe . wande hier  
 131rb,24 ist ungenâde unde jâmer unde maniger  
 131rb,25 hande leit des lîbes unde der sêle . hier  
 131rb,26 ane vihtet uns der tiuvel naht unde  
 131rb,27 tac . unde dô er selbe niht geschaffen  
 131rb,28 mac noch andere sîne genôzen .  
 131rb,29 dâ sendet er andere sîne boten  
 131rb,30 zuo . boese kristene liute . haben aber wir  
 131rb,31 guoten willen . sô wirdet uns der êwige  
 131rb,32 vride . der guote wille der ist zwivaltic .  
 131rb,33 den sulen wir haben zuo gote  
 131rb,34 unsern schepfære . daz wir ime  
 131rb,35 wandelen alle unser sünde unde unser  
 131rb,36 missetât . unde ime dienen mit allen vlîze .  
 131rb,37 den sulen wir ouch haben zuo unsern  
 131rb,38 ebenkristen mit wârheit unde mit  
 131rb,39 kristenlicher triuwe . behalten wir den  
 131rb,40 guoten willen biz an unsern tôt . sô  
 131rb,41 wirdet uns der wâre vride . ir sulet  
 131rb,42 ouch merken waz daz bezeichene .  
 131rb,43 daz der heilige Krist wolte geleget  
 131rb,44 werden in eine krippe . die krippe .

131va,1 bezeichnenet die heilige kristenheit .  
 131va,2 dâ sol man unsern hêren vinden . über  
 131va,3 der krippen stuont unsers hêren vihe . ein

131va,4 esel unde ein ohse . der ohse bezeichnenet  
 131va,5 einen iegelîchen mennischen . der dâ reine  
 131va,6 ist . unde lange hatte gegangen under  
 131va,7 deme joche unsers hêrren . als uns  
 131va,8 die heilige schrift saget . “– –  
 131va,9 – – – – –  
 131va,10 – . iz ist guot” sprichet sie “dem mennische  
 131va,11 daz er gotes joch trage von sîner  
 131va,12 jugent .” der esel bezeichnenet den süntær .  
 131va,13 der dâ treget den swærn sac der sünden .  
 131va,14 iedoch kumet er zuo der krippen .  
 131va,15 zuo der heiligen kristenheit . unde wile er  
 131va,16 gote erkennen . als dâ geschriben  
 131va,17 ist . “– – – . – . – – .  
 131va,18 – . – – . der ohse erkante sînen  
 131va,19 hêrren . unde der esel die krippe sînes hêrren .  
 131va,20 wærlîche sô vindet er unsern hêrren .”  
 131va,21 nû lobet der iuch geschaffen hât . unde  
 131va,22 durch iuch wolte geboren werden . unde  
 131va,23 bitet in sîner genâden . daz er iuch  
 131va,24 des gehelfe . daz ir im alsô gedienen  
 131va,25 müezet in diseme lîbe . daz ir  
 131va,26 nâch diseme lîbe mit im besitzen  
 131va,27 müezet daz êwige leben in himelrîche .  
 131va,28 – – . – . – . – . – – .

134rb,14 – – – – – . – . – – . mîne  
 134rb,15 vile lieben . dise wort die ich zuo  
 134rb,16 latîne habe gesprochen die hatte  
 134rb,17 hêrre Dâvît der – lange vore unsers  
 134rb,18 hêrren geburt gesprochen von dirre heiligen  
 134rb,19 hôchzît . und bediuten alsus .  
 134rb,20 diz ist der tac den got geschaffen  
 134rb,21 hât . iedoch . dâr umbe sulen wir uns  
 134rb,22 hiute al gemeine vrôuwen . alle tage  
 134rb,23 hât got geschaffen . iedoch hât  
 134rb,24 unser hêrre got disen tac ime selben  
 134rb,25 sunderlîchen gemachet zuo lobe unde  
 134rb,26 zuo êren . unde uns unde al der kristenheit  
 134rb,27 zuo trôste unde zuo genâden . wande  
 134rb,28 als hiute wolte er erstên von deme tôde .  
 134rb,29 mit deme selben lîbe den er durch  
 134rb,30 uns zuo der marter gap . er zuobrach  
 134rb,31 die helle unde bant den tiuvel dâr inne .  
 134rb,32 unde vuorte als hiute einen küninclîchen  
 134rb,33 roup der sêlen zuo himele die  
 134rb,34 dâ inne beslozen wâr und die

134rb,35 sînen willen hatten getân . dô der  
 134rb,36 küninc der êren unser hêrre – –  
 134rb,37 zuo der helle quam . unde in dô gesâhen  
 134rb,38 die heiligen liute die dâ zuo der  
 134rb,39 helle wâr . dô sprâchen sie . “–  
 134rb,40 – . hêrre heilant nû bist dû kumen  
 134rb,41 des wir gerten . wir haben  
 134rb,42 dîn vile lange gebeitet in der vinsternisse  
 134rb,43 daz dû quæmes . unde uns erlôstes  
 134rb,44 von des tiuvels gewalt .

134va,1 und haben dîn dicke gewünschet  
 134va,2 mit siufzene unde mit weinene . nû bist  
 134va,3 dû kumen zuo trôste unde zuo genâden  
 134va,4 uns die in der helle haben gelegen vile  
 134va,5 lange .” die heiligen liute die sîn vile  
 134va,6 lange gewünschet hatten dâ zuo der  
 134va,7 helle . die lôste er mit sîner gewalt . unde  
 134va,8 vuor wider zuo deme grabe unde erstuont dô  
 134va,9 wart got unde wâr mennische . des selben  
 134va,10 tages erschein . er siben stunte sînen jungern .  
 134va,11 unde wîsete in sîne mennischheit . und  
 134va,12 gap in dâ bî bilede . daz wir alle erstên  
 134va,13 sulen an deme jungesten tage mit  
 134va,14 deme selben lîbe und mit der selben  
 134va,15 sêle als wir nû schînen . daz er erstên  
 134va,16 solte von deme tôde . und uns alle mit  
 134va,17 sîner heiligen ûferstantunge solte erledigen .  
 134va,18 daz hatten vile sîner heiligen  
 134va,19 prophêtn lange vore gesaget in den alten gezîten .  
 134va,20 vore sîner geburt . Osee der –  
 134va,21 hatte alsus gesprochen . “–  
 134va,22 – – – . – . – – – . – . – . – .  
 134va,23 – – . – . – – .” er sprach . “unser hêrre – –  
 134va,24 der sol uns lebende machen nâch zwein  
 134va,25 tagen . unde ane deme dritten tage sol er  
 134va,26 uns erquickken von deme tôde .” danne sô  
 134va,27 sulen wir leben vore sîneme gotelîchen  
 134va,28 antlûtze . sô sulen wir wizzen unde  
 134va,29 sulen im volgen ûf daz wir in erkennen  
 134va,30 daz er wâr got ist . unser  
 134va,31 hêrre machet uns lebende nâch zwein  
 134va,32 tagen . unde erquicket uns an deme dritten  
 134va,33 tage von deme tôde . wande er lac  
 134va,34 in deme grabe zwêne tage . unde an deme  
 134va,35 dritten tage . stuont er ûf von deme  
 134va,36 tôde . ûf daz wir erstuonden zuo dem

134va,37 êwigen lîbe . unde daz wir iemer dâ  
 134va,38 vore ime lebeten . wande diz der tac  
 134va,39 ist den got selbe gemachet hât .  
 134va,40 sô sulen sich vrôuwen alle die iemer  
 134va,41 keine vrôuwede wollen gewinnen in  
 134va,42 himelrîche oder in ertrîche . nû bitet  
 134va,43 unsern hêrren gote durch den tôt  
 134va,44 den er geliten hât durch uns . daz  
  
 134vb,1 er uns gebe die sinne unde die witze .  
 134vb,2 daz wir in alsô geloben unde geêren  
 134vb,3 müezen hier in ertrîche . daz  
 134vb,4 wir nâch diseme kranken lîbe  
 134vb,5 besitzen müezen daz êwige leben  
 134vb,6 in himelrîche . – – – . – – .  
 134vb,7 mîne vile lieben .  
 134vb,8 ez ist hiute der tac den man  
 134vb,9 heizet die rômekriuze . daz sulet  
 134vb,10 ir kurzliche vernemen wâr umbe  
 134vb,11 dirre tac alsô genant sî . bî sancte  
 134vb,12 – zîten des heiligen bâbestes  
 134vb,13 dô hatte sich daz volc . verworhte  
 134vb,14 wider unsern hêrren got mit  
 134vb,15 iren sünden . durch daz sô quam ein  
 134vb,16 vreislich urteile über daz volc . daz  
 134vb,17 was der gâhe tôt . der quam mit einer sühte .  
 134vb,18 die bestuont die liute umbe die  
 134vb,19 hegedruose . wen sie bestuont  
 134vb,20 der muoste zehant sterben . die nôt  
 134vb,21 was michel unde grôz . unde daz volc  
 134vb,22 viel nider als ob iz vûl wære . dô  
 134vb,23 vuor der bâbest zuo der vore sancte –  
 134vb,24 was . der hiez – . unde  
 134vb,25 was ein guot man unde ein gereht  
 134vb,26 man . der manete daz volc . unde gebôt  
 134vb,27 beide pfaffen unde leien . münichen .  
 134vb,28 unde nunnen . mit den kriuzen gên unde  
 134vb,29 mit deme heilictuome . unde hiez sie  
 134vb,30 unsern hêrren got biten daz er die  
 134vb,31 grôze nôt gestillete . daz ne half  
 134vb,32 allez niht . underdes daz sie giengen  
 134vb,33 mit den kriuzen wüllîn und  
 134vb,34 barvuoze . sô quam ein weter unde ein  
 134vb,35 donerslac unde sluoc den bâbest  
 134vb,36 selben zuo tôde unde daz volc  
 134vb,37 wart zuostoeret als die schâf sô  
 134vb,38 sie den hertær verliesen . die dô zuo  
 134vb,39 Rôme wâr . nâch der wîsesten hêrren

134vb,40 râte . sô gevallen sie alle dâr an  
 134vb,41 daz sie sancte – kuren zuo  
 134vb,42 bâbeste . der was ein edel man unde  
 134vb,43 ein guot man unde minnete unsern  
 134vb,44 hêrren got von alleme sîneme herzen .

135ra,1 er hatte gestift sehs klôster in  
 135ra,2 Sizilienlande . unde hatte den allen  
 135ra,3 sînes guotes als vile gegeben als  
 135ra,4 vile sô sie iz bedorften zuo irere nôtdurft .  
 135ra,5 daz sibende klôster machete  
 135ra,6 er zuo Rôme . aldâ mûnichete er  
 135ra,7 sich . dô er daz vernam daz sie in  
 135ra,8 zuo bâbeste setzen wolten . dô was  
 135ra,9 iz im leit . unde vlôch unde verbrach  
 135ra,10 sich . aldâ vermeldete in unser hêrre  
 135ra,11 got selbe mit eineme liehte daz erschein  
 135ra,12 über ime als die sunne . dô  
 135ra,13 wart er vunden . unde wart gewît  
 135ra,14 zuo bâbeste mit grôzen êren . dannoch  
 135ra,15 sô ne was die ungenâde niht  
 135ra,16 gestillet des gâhen tôdes under  
 135ra,17 den liuten . dô gedâhte sancte –  
 135ra,18 wie er den armen liute mohte  
 135ra,19 gehelfen . und hiez sich alle die  
 135ra,20 samenen die zuo Rôme wâr . unde  
 135ra,21 dâ bî in keiner nâhende . unde hiez sie  
 135ra,22 gên mit den kriuzen . unde mit den heilictuome  
 135ra,23 von Laterâne zuo sancte  
 135ra,24 – . von dannen zuo sancte – .  
 135ra,25 und sanc er die messe selbe . mit  
 135ra,26 grôzer innicheit . unde machete niun  
 135ra,27 koere von den liuten unserm hêrren  
 135ra,28 gote zuo lobe unde zuo êren . unde den  
 135ra,29 niun koeren der heiligen engele . in  
 135ra,30 eineme kôre wâr die pfaffen . in  
 135ra,31 dem andern die mûnliche . in dem  
 135ra,32 dritten die nunne . in den vieren  
 135ra,33 die einsidele . in dem vûnften die  
 135ra,34 regelære . in den sehsten die megede .  
 135ra,35 in dem sibenden die witewen .  
 135ra,36 in den ahtoden die reinen kint .  
 135ra,37 in den niunen daz volc algemeine .  
 135ra,38 dâ mittene stunden die bischove  
 135ra,39 unde die gelêrten liute unde maneten  
 135ra,40 unsern hêrre got sîner genâden .  
 135ra,41 underdes sô quam der slac unde viel

135ra,42 des volkes ein michel teil dâr  
 135ra,43 nider unde lâgen tôt . alsô vile  
 135ra,44 daz man ir ahtzic zalte in  
  
 135rb,1 einer kurzen stunte . dô kârte sich umbe  
 135rb,2 sancte – und hiez die liute  
 135rb,3 alle junge unde alt ire hende ûf heben  
 135rb,4 unde hiez sie zuo gote ruofen unde  
 135rb,5 sprach . “hêrre got . diz volc en geswîget  
 135rb,6 niemer mêr . noch ne sol sîne hende niemer  
 135rb,7 nider gelâzen dû ne lâzes dînen zorn  
 135rb,8 und gestilles dise nôt .” sân zehant  
 135rb,9 tet unser hêrre got sîne genâde unde  
 135rb,10 wart der gâhe tôt gestillet . dô gebôt  
 135rb,11 sancte – . über alle die werlt  
 135rb,12 daz man disen tac begienge mit vastene .  
 135rb,13 unde mit kriuzegange vüre den  
 135rb,14 gâhen tôt unde vüre alle nôt die in  
 135rb,15 der kristenheit wære . durch daz heizet  
 135rb,16 dirre tac rômekriuze . nû solte ir  
 135rb,17 hiute alle iuwere angest unde iuwere nôt  
 135rb,18 unserm hêrren den almehtigen gote bevelhen  
 135rb,19 an sîne genâde . unde solte vile ôtmüetiglîche  
 135rb,20 gên mit iuvern kriuzen . und  
 135rb,21 mit iuvern heiligen . den worten daz  
 135rb,22 sie iuch genædic sîn zuo den almehtigen  
 135rb,23 gote . daz ir nâch diseme lîbe müezet  
 135rb,24 kumen zuo dem êwigen himelrîche .  
 135rb,25 des geruoche uns allen zuo helfene  
 135rb,26 der daz wole getuon mac . al der werlte  
 135rb,27 schepfære . unser hêrre – – . loesære .  
 135rb,28 unde heilant . – – .

138vb,10 mîne vile lieben .  
 138vb,11 hiute begên wir des heiligen  
 138vb,12 kriuzes tac als iz erhaben unde gehoeht  
 138vb,13 wart . ez was under den heiden  
 138vb,14 ein küninc der hiez Cosdras . der  
 138vb,15 urlouget starke wider die kristenen .  
 138vb,16 zuo einem mâle gewan er Jerusalem  
 138vb,17 unde daz heilige kriuze . unde vuorte  
 138vb,18 daz in sîn lant . unde swie sô er ein  
 138vb,19 heiden was . sô êrte er doch daz  
 138vb,20 heilige kriuze . er hatte ein hûs .  
 138vb,21 einen turm der was güldîn . und  
 138vb,22 hatte dâr inne gemachet einen  
 138vb,23 himel . unde dâr an gestirne und

- 138vb,24 allez daz wunder daz an deme himele  
 138vb,25 ist . dâr ûf satzte er sich und  
 138vb,26 sagete daz er got wære . ûf den turm  
 138vb,27 satzte er daz heilige kriuze  
 138vb,28 daz was vile schadelich unde vile  
 138vb,29 leit den die zuo Jerusalêm wâr . dô  
 138vb,30 besamenete sich küninc – und  
 138vb,31 wolte jenen küninc dâ heimsuochen .  
 138vb,32 alsô küninc Cosdras einen . sune  
 138vb,33 dem wart iz zuo wizzene . unde  
 138vb,34 besamenete sich ouch . unde begienge  
 138vb,35 ime . dô sie dô zesamene quâmen .  
 138vb,36 dô wart iz alsô beredet unde geteilet .  
 138vb,37 daz küninc – . unde küninges  
 138vb,38 Cosdras sun . sie zwêne einen  
 138vb,39 kampf mit einander solten vehten .  
 138vb,40 sweliche ir gesigete . daz  
 138vb,41 des andern liute zuo ime solten  
 138vb,42 kêrn . dô tet der almechtige got sîne  
 138vb,43 genâde zuo den sînen daz küninc  
 138vb,44 – oberhant nam und  
  
 139ra,1 gesigete . dô kârtten jenes liute  
 139ra,2 alle über zuo diseme . dô vuor küninc  
 139ra,3 – hin unde vienc Cosdram  
 139ra,4 ûf sînes selbes turme . unde vregete  
 139ra,5 in weder ime lieber wære daz  
 139ra,6 man in zuo tôde slüege . oder daz  
 139ra,7 er kristen würde . und sich liez  
 139ra,8 toufen . dô kôs er daz man in  
 139ra,9 zuo tôde slüege . unde niht en toufete .  
 139ra,10 an der selben stat sluoc man  
 139ra,11 ime daz houbet ab . dô nam küninc  
 139ra,12 – daz heilige kriuze unde  
 139ra,13 vuorte iz zuo Jerusalêm mit grôzen êren .  
 139ra,14 dô er dô quam zuo der pforten dâ unser  
 139ra,15 hêrre was in geriten als wir  
 139ra,16 begên an dem palmetage . unde  
 139ra,17 der küninc vile hêrlîche dâr in wolte  
 139ra,18 rîten . dô gienc die mûre zesamene  
 139ra,19 unde beslôz sich als ob dâ nie  
 139ra,20 decheine pforte wære worden . alsô  
 139ra,21 stuont der heilige engel ûf der mûren  
 139ra,22 unde sprach zuo deme künige . “wilt dû  
 139ra,23 her in kumen . sô solt dû din dinc anders beginnen .  
 139ra,24 wande unser hêrre – – dô  
 139ra,25 er gemartert wolte werden an

139ra,26 dem kriuze daz dû nû vuores . der  
 139ra,27 reit vile ôtmüetiglichen her in ûf  
 139ra,28 eineme snoeden nôze ûf einen esele .”  
 139ra,29 dô daz küninc – gehôrte . dô  
 139ra,30 machete er sich zehant wüllin und  
 139ra,31 barvuoze unde alle die mit im wâr .  
 139ra,32 und truogen dô daz heilige kriuze  
 139ra,33 in daz münster mit grôzer innicheit .  
 139ra,34 alsô quam iz dô wider mit der hêrschaft .  
 139ra,35 nû ne sulen wir daz heilige kriuze  
 139ra,36 niht aleine hiute êren . sunder  
 139ra,37 wir sulen iz loben unde êren alle  
 139ra,38 die tage die wir iemer geleben .  
 139ra,39 nû biten wir unsern hêrren –  
 139ra,40 – wande er uns erlöst hât an  
 139ra,41 deme vrônen kriuze . – – . – –  
 139ra,42 mîne vile lieben .  
 139ra,43 hiute ist aller heiligen tac .  
 139ra,44 wie aber dirre tac allerêrste

139rb,1 würde gesâzet allen gotes heiligen  
 139rb,2 gemeine zuo lobe unde zuo êren .  
 139rb,3 daz wile ich iuch sagen kurzliche .  
 139rb,4 ez was zuo Rôme ein münster daz  
 139rb,5 hatten die heiden gemachet . dâr  
 139rb,6 inne was ein apgot der hiez – .  
 139rb,7 den an beteten sie . daz was  
 139rb,8 êr danne die kristenheit erhaben würde .  
 139rb,9 dâr nâch dô die kristenheit gewuohs  
 139rb,10 unde oberhantn genam . dô verwurffen  
 139rb,11 sie die alte bôsheit . unde  
 139rb,12 reinigten daz selbe hûs von den apgoten .  
 139rb,13 unde wîheten ez dô in die êre  
 139rb,14 unser vrouwen sancte – und  
 139rb,15 aller gotes heiligen . daz begienc  
 139rb,16 man dô dâ zuo Rôme . sider wart iz  
 139rb,17 geboten zuo begêne über al die kristenheit .  
 139rb,18 durch daz . wande iz sîn manige  
 139rb,19 heiligen der namen man niene  
 139rb,20 weiz . unde des wîticheit niemannd  
 139rb,21 en weiz . wande wir hiute begên aller  
 139rb,22 heiligen tac . sô sulen wir erfüllen  
 139rb,23 mit gebete . unde mit sange . unde  
 139rb,24 mit almuosene . unde mit andern guoten  
 139rb,25 werken . allez daz wir diz jâr versûmet  
 139rb,26 haben an den heiligen . nû sulen  
 139rb,27 wir hiute zuo allervordereste  
 139rb,28 loben unde êren unsen hêrren – – .

139rb,29 der uns geschaffen hât unde erlöst  
 139rb,30 hât mit sîn selben bluote . der dâ  
 139rb,31 küninc ist über al künige . und hêrre  
 139rb,32 über alle hêrren . dâr nâch sulen wir  
 139rb,33 loben unde êren sîne liebe muoter unser  
 139rb,34 vrouwen sancte – . die einen  
 139rb,35 iegelîchen süntigen mennischen wole  
 139rb,36 gehelfen mac . wande sie ire liebez  
 139rb,37 kint unsern hêrre – – selben hât  
 139rb,38 geêrt . sô ist ouch daz wole bîlich  
 139rb,39 daz wir sie loben und êren  
 139rb,40 die wîle daz wir einen tac geleben .  
 139rb,41 dâr nâch sô sulen wir  
 139rb,42 loben unde êrn alle sîne heiligen  
 139rb,43 engele . die uns beschirmen unde  
 139rb,44 bewarn vore deme tiuvelen unde sînen

139va,1 gespensten . unde sîn bî uns tac  
 139va,2 unde naht . vruo und spâte . zuo  
 139va,3 allen zîten . unde râten uns allez  
 139va,4 guot . unde schrîben allez daz wir  
 139va,5 guotez getuon und brengen daz  
 139va,6 vore den almehtigen got . unde sîn iemer  
 139va,7 bî uns . biz an die stunt daz  
 139va,8 wir scheiden von diseme lîbe .  
 139va,9 ist daz wir unserme hêrren gote  
 139va,10 alsô wole gedienen in diseme lîbe  
 139va,11 daz wir sînes rîches wirdic  
 139va,12 sîn . sô vuoren sie uns dâr vile vroelîche  
 139va,13 unde vile hêrlîche . unde sîn des  
 139va,14 vile vrô daz wir ire hûsgenôzen  
 139va,15 sulen sîn dâ zuo himelrîche . dâr  
 139va,16 nâch sô sulen wir loben unde êren  
 139va,17 die heiligen megede . die mit irere  
 139va,18 kiuscheheit haben verdienet . daz  
 139va,19 sie daz himelrîche haben besezen .  
 139va,20 dâr nâch sulen wir loben unde êren  
 139va,21 die heiligen die vore unsers hêrren  
 139va,22 geburt wârn . daz sîn die heiligen  
 139va,23 patriarchen unde die prophêtn . unde  
 139va,24 andere guote liute . die vile manige  
 139va,25 grôze arbeit geliten haben durch  
 139va,26 unsern hêrren got . unde dâ mit verdient  
 139va,27 haben daz sie sîn in grôzer  
 139va,28 wirdicheit vore den almehtigen gote .  
 139va,29 dâr nâch sulet ir loben und  
 139va,30 êren die heiligen zwelivboten

139va,31 und die êwangelisten . den got  
 139va,32 die gewalt hât gegeben in himelrîche  
 139va,33 unde in ertrîche . daz  
 139va,34 sie daz himelrîche beslîzen .  
 139va,35 und ûf tuon allen den sie wollen  
 139va,36 und die des wirdic sîn . wande wir  
 139va,37 daz wizzen daz sie sô grôze gewalt  
 139va,38 haben . unde ouch daz sie urteile  
 139va,39 sulen sprechen über al menschlich künne  
 139va,40 zuo deme jungesten tage . sô sulen wir  
 139va,41 sie billîche loben unde êren . unde sulen  
 139va,42 sie biten . daz sie genædiclich urteile  
 139va,43 über uns vinden unde sprechen .

139vb,1 dâr nâch sulet ir loben unde êren  
 139vb,2 die heiligen marterære . die daz himelrîche  
 139vb,3 ervohten haben . unde  
 139vb,4 ire bluot gegozzen haben durch daz  
 139vb,5 reht unde durch den kristengelouben .  
 139vb,6 unde durch die liebe unsers hêren des  
 139vb,7 almehtigen gotes . wande sie nû alle wünne  
 139vb,8 unde alle vrôuwede haben in himelrîche .  
 139vb,9 sô bitet sie daz sie iuch  
 139vb,10 helfen daz ir ouch besitzen müezet  
 139vb,11 die wünnicliche stat die sie besezen  
 139vb,12 haben . dâr nâch sulet ir  
 139vb,13 loben unde êren die heiligen bîhtær .  
 139vb,14 der tac ouch hiute ist . die die heilige  
 139vb,15 kristenheit gelârt unde gewîst  
 139vb,16 haben . zuo allen guoten dingen . unde  
 139vb,17 haben ouch selbe alsô heilicliche  
 139vb,18 gelebet hier in ertrîche . daz sie besezen  
 139vb,19 haben daz êwige himelrîche .  
 139vb,20 dise heiligen bîhtigær und  
 139vb,21 alle gotes heiligen der tac hiute  
 139vb,22 ist . die sulen wir loben unde êren .  
 139vb,23 unde den almehtigen got zeallervorderst  
 139vb,24 der sie gesterket hât an sîneme  
 139vb,25 dieneste . unde sulen sie biten  
 139vb,26 daz sie uns genædic sîn zuo den  
 139vb,27 almehtigen gote . unde uns helfen daz  
 139vb,28 wir ouch nâch diseme lîbe müezen  
 139vb,29 kumen zuo den vrôuweden die  
 139vb,30 sie besezen haben . dâr zuo uns  
 139vb,31 hât geschaffen unde geladen . unser  
 139vb,32 hêre -- . -- . -- .